

U skladu sa članovima 62., 63. i 64. Pravilnika o registraciji, statusu i transferu Igrača NS/FS BiH ("Službeni glasnik NS/FS BiH", decembar/prosinac 2017. godine), dana _____ godine u _____, zaključen je

U G O V O R **(IGRAČA AMATERA)**

i između

FK/NK _____, sa sjedištem u ul. _____ br. __, koga zastupa ovlašteno lice za predstavljanje i zastupanje Kluba _____ (u daljem tekstu: **Klub**)

i _____ iz _____, ul. _____ br. __, JMBG _____ (u daljem tekstu: **Igrač**)

Član 1.

Ovaj Ugovor je zaključen na period **od** _____ **do** _____ godine, a stupa na snagu danom potpisa objiju Ugovornih strana.

Član 2.

Opšta prava i obaveze Kluba i Igrača određuju se Pravilnikom Kluba.

Član 3.

Obaveza Kluba prema Igraču:

1. Osiguranje radne/sportske opreme, sportskih terena, objekata i stručnog kadra;
2. Osiguranje troškova puta, boravka i smještaja za takmičenje ili u vezi sa takmičenjem;
3. Plaćanje troškova za liječenje sportskih povreda zadobijenih u vršenju radne/sportske djelatnosti;
4. Osiguranje troškova izgubljene zarade zbog učestvovanja na pripremama, a izuzetno u takmičenju, koji se uplaćuju Igračevom poslodavcu na njegov pismeni zahtjev;
5. Osiguranje troškova za pohvale, priznanja i sportske trofeje za ostvareni sportski uspjeh;
6. Osiguranje Igrača protiv povreda na radu, bolesti, invaliditeta i smrti;
7. Dopuštenje i omogućavanje učestvovanja na treninzima, pripremama i nastupima u reprezentaciji BiH Igraču ukoliko je pozvan, ili u nacionalnoj reprezentaciji za koju Igrač nastupa;
8. Omogućavanje Igraču zaštite svojih prava u okviru nogometne organizacije za koju nastupa.

Član 4.

Obaveza Igrača prema Klubu:

1. Redovno učestvovanje na svim treninzima i takmičenjima Kluba;
2. Izvršavanje svih radnih naloga trenera i drugih opunomoćenih stručnih osoba u Klubu za obavljanju radne/sportske aktivnosti;
3. Savjesno i potpuno zalaganje za postizanje rezultata i uspjeha Kluba;
4. Prihvatanje Pravila nogometne igre, statuta, pravilnika i odluka Kluba, NS/FS BiH, FIFA-e i UEFA-e;

5. Neodložno javljanje ovlaštenom ljekaru Kluba u slučaju povrede ili druge vrste oboljenja;
6. Učestvovanje na svim javnim priredbama, promocijama, emisijama radija i televizije, a radi doprinosa aktivnostima Kluba;
7. Da u istupima za javne medije ne daje izjave koje se odnose na unutrašnje odnose Kluba, a naročito o taktici, treningu i slično;
8. Ponašanje u privatnom i javnom životu na način koji ne šteti ugledu Kluba i nogometu u cjelini;
9. Učestvuje na treninzima, pripremama i nastupima reprezentacije NS BiH ukoliko je pozvan, odnosno u drugoj nacionalnoj reprezentaciji za koju nastupa i
10. Sportsko ponašanje prema svim učesnicima u takmičenju i prihvatanje sudijskih odluka.

Član 5.

Igrač ima pravo na slijedeće troškove:

- 1) Troškove putovanja;
- 2) Troškove puta i smještaja, kada Klub odlazi na takmičenje i pripreme;
- 3) Troškove pojačane ishrane;
- 4) Troškove radne/sportske opreme.

Prednjim su navedeni utvrđene obaveze koje Klub treba isplatiti po osnovu obaveza iz ovog Ugovora. Pored utvrđenih troškova, Igrač ima pravo na troškove za pohvale, priznanja i sportske trofeje ostvarene tokom nastupa za Klub.

Član 6.

Ukoliko Klub i Igrač izvrše izmjenu i/ili dopunu ovog Ugovora putem aneksa, sporazuma ili na drugi način, Klub je obavezan da nadležnom registracionom organu dostavi primjerak potpisanog akta kojim se mijenja ovaj Ugovor u roku od 5 (pet) dana od dana potpisa istog.

Za sve izmjene i dopune ovog Ugovora neophodna je pismena forma, a iste postaju sastavni dio ovog Ugovora.

Član 7.

Ovaj Ugovor može biti raskinut sporazumno, u slučaju opravdanih razloga, sportskih i sportski opravdanih razloga, razloga predviđenih klupskim pravilnikom, Pravilnikom o registraciji, statusu i transferu igrača NS/FS BiH ili pozitivnim državnim propisima.

Sporazumi raskid ovog Ugovora može se izvršiti tokom cijelog trajanja takmičarske sezone.

Ako postoje razlozi za raskid ovog Ugovora, a Ugovorne strane ne mogu da postignu dogovor, raskid istog odobrava Komisija za status Igrača nadležnog registracionog Saveza u prvom stepenu. Prema žalbi u drugom stepenu za Igrače Premijer lige NS/FS BiH rješava Komitet za status i transfer Igrača NS/FS BiH. Za ostale Igrače nadležne su Komisije za status Igrača NS FBiH i FS RS.

Ugovor se ne može jednostrano raskinuti za vrijeme trajanja takmičarske godine.

Posljedice sporazumnog raskida, raskida u slučaju opravdanih i sportski opravdanih razloga razloga te jednostranog raskida ugovora, predviđene su čl. 87. – 100. Pravilnika o registraciji, statusu i transferu igrača NS/FS BiH.

Član 8.

Na prava i obaveze Ugovornih strana koja nisu uređena ovim Ugovorom, primjenjuju se odredbe važećeg klupskog Pravilnika, Pravilnika o registraciji, statusu i transferu igrača NS/FS BiH te pozitivnih zakonskih propisa BiH.

Član 9.

Ovaj Ugovor stupa na snagu danom obostranog potpisivanja istog.

Član 10.

Ovaj Ugovor zaključen je u 3 (tri) istovjetna primjerka, od kojih po jedan primjerak zadržavaju nadležni registracioni savez, Klub i Igrač.

ZA KLUB

IGRAČ

br.

datum:

RODITELJ/STARATELJ

Da su ovaj ugovor br. _____ od dana _____ u _____ potpisali ovlašteno lice Kluba i Igrač, tvrdi i ovjerava :

**PREDSTAVNIK
NADLEŽNOG REGISTRACIONOG SAVEZA**
